



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 11-04-34-40434-1/23  
Sarajevo, 25. 9. 2023. godine

Na osnovu čl. 142. i 144. Zakona o srednjem obrazovanju („Službene novine Kantona Sarajevo”, br. 23/17, 30/19 i 33/21), člana 8. Zakona o ministarskim, vladinim i drugim imenovanjima Federacije BiH („Službene novine FBiH”, br. 12/03, 34/03 i 65/13), tačke V Odluke o standardima i kriterijima za nominovanje/imenovanje na pozicije predsjednika i članova školskih odbora srednjih škola kao javnih ustanova, čija konačna imenovanja vrši Vlada Kantona Sarajevo („Službene novine Kantona Sarajevo“, br. 41/17, 23/22 i 14/23) i člana 2. Pravilnika o izboru, nadležnostima i načinu rada školskih odbora srednjih škola Kantona Sarajevo („Službene novine Kantona Sarajevo“, br. 42/17, 23/18 i 13/23), ministrica za odgoj i obrazovanje Kantona Sarajevo raspisuje

## **JAVNI KONKURS**

**za izbor i imenovanje na upražnjene pozicije predsjednika i članova u školskim odborima srednjih škola kao javnih ustanova na području Kantona Sarajevo**

### **I**

U Školski odbor srednje škole, srednjoškolskog i školskog centra kao javne ustanove na području Grada, biraju se:

1. Predstavnik osnivača – Ministarstva za odgoj i obrazovanje Kantona Sarajevo (u daljem tekstu: Ministarstva) - predsjednik.....1 član,
2. Predstavnik Grada.....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

U Školski odbor srednje škole, srednjoškolskog centra i školskog centra kao javne ustanove izvan područja Grada, biraju se:

1. Predstavnik osnivača – Ministarstva (predsjednik) .....1 član,
2. Predstavnik općine na čijem području se škola nalazi.....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

Izuzetno, u školski odbor srednje škole, srednjoškolskog i školskog centra kao javne ustanove koju je osnovala vjerska zajednica, odnosno crkva samostalno ili sa drugim pravnim ili fizičkim licem, biraju se:

1. Predstavnik osnivača (predsjednik).....1 član,
2. Predstavnik Ministarstva .....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

### **II**

Na osnovu ovog Javnog konkursa izvršit će se izbor i imenovanje predsjednika i članova na slijedeće upražnjene pozicije u školskim odborima srednjih škola, srednjoškolskih i školskih centara kao javnih ustanova na području Grada/općine, kako slijedi:

<b>Rb.</b>	<b>Naziv škole</b>	<b>Pozicije u školskom odboru</b>
1.	<b>Javna ustanova Srednja ugostiteljsko-turistička škola</b>	Predstavnik Ministarstva (predsjednik) – 1 član
2.	<b>Javna ustanova Gimnazija Obala</b>	Predstavnik Ministarstva (predsjednik) – 1 član Predstavnik roditelja/staratelja učenika – 1 član Predstavnik radnika – 1 član
3.	<b>Javna ustanova Centar za slušnu i govornu rehabilitaciju</b>	Predstavnik Ministarstva (predsjednik) – 1 član
4.	<b>Javna ustanova Srednjoškolski centar Hadžići</b>	Predstavnik Ministarstva (predsjednik) – 1 član
5.	<b>Javna ustanova Srednjoškolski centar Vogošća</b>	Predstavnik roditelja/staratelja učenika – 1 član Predstavnik radnika – 1 član
6.	<b>Katolički školski centar „Sv. Josip“ Sarajevo-Opća realna gimnazija</b>	Predstavnik radnika – 1 član
7.	<b>Javna ustanova Gazi-Husrev begova medresa</b>	Predstavnik roditelja/staratelja učenika – 1 član Predstavnik radnika – 1 član
8.	<b>Javna ustanova Centar za slijepu i slabovidnu djecu i omladinu</b>	Predstavnik Ministarstva (predsjednik) – 1 član
9.	<b>Javna ustanova Srednja elektrotehnička škola</b>	Predstavnik roditelja/staratelja učenika – 1 član
10.	<b>Javna ustanova Željeznički školski centar</b>	Predstavnik roditelja/staratelja učenika – 1 član
11.	<b>Javna ustanova Srednja škola za saobraćaj i komunikacije</b>	Predstavnik roditelja/staratelja učenika – 1 član
12.	<b>Javna ustanova Srednja škola metalnih zanimanja</b>	Predstavnik Grada– 1 član Predstavnik roditelja/staratelja učenika – 1 član
13.	<b>JU Četvrta gimnazija</b>	Predstavnik općine- 1 član
14.	<b>Javna ustanova Srednja škola poljoprivrede, prehrane, veterine i uslužnih djelatnosti</b>	Predstavnik Ministarstva (predsjednik) – 1 član
15.	<b>Javna ustanova Srednja muzička škola</b>	Predstavnik radnika – 1 član
16.	<b>Javna ustanova Srednja građevinsko-geodetska škola</b>	Predstavnik Ministarstva (predsjednik) – 1 član Predstavnik roditelja/staratelja učenika – 1 član
17.	<b>Javna ustanova Srednja škola primijenjenih umjetnosti</b>	Predstavnik roditelja/staratelja učenika – 1 član
18.	<b>Javna ustanova Srednja medicinska škola – Jezero Sarajevo</b>	Predstavnik roditelja/staratelja učenika – 1 član

## OPIS POZICIJA

**Školski odbor:** donosi pravila škole; godišnji program rada srednje škole za tekuću godinu i izvještaj o realizaciji godišnjeg programa rada za prethodnu godinu; finansijski plan i usvajanje godišnjeg obračuna; opće akte o unutrašnjoj organizaciji i sistematizaciji radnih mjesta i drugih općih akata u skladu sa relevantnim propisima; program rada i izvještaj o radu koji podnosi osnivaču; imenuje i razrješava direktora, zaključuje ugovor o radu i prestanku rada direktora srednje škole; imenuje komisiju u skladu sa relevantnim



propisima; odlučuje o korištenju sredstava preko iznosa određenog relevantnim propisima; rješava žalbe i prigovore radnika na rješenje o ocjeni rada i drugim pravima, obavezama i odgovornostima iz radnog odnosa; rješava žalbe učenika, odnosno roditelja ili staratelja učenika na odluku o izricanju odgojno-disciplinske mjere iz člana 109. Zakona; utvrđuje prijedlog plana upisa učenika u prvi razred; verificira konačnu listu primljenih učenika u prvi razred; rješava o žalbama i prigovorima koji se odnose na rad direktora srednje škole.

Školski odbor je nadležan za odlučivanje u prvom stepenu po žalbama i prigovorima na odluke direktora srednje škole na koje je dopuštena žalba ili prigovor, posebno po žalbama i prigovorima koji se odnose na rad nastavnika, stručnih i drugih saradnika; usmjerava, kontrolira i ocjenjuje rad direktora; razmatra prijedloge odluka, preporuka i prijedloga koji se upute školskom odboru i preduzima odgovarajuće mjere; rješava sva pitanja odnosa s osnivačem; razmatra i odobrava službena putovanja direktoru škole; u vanrednim situacijama kada je direktor spriječen da obavlja dužnost, uz saglasnost Ministarstva, imenuje nastavnika ili stručnog saradnika koji ispunjava uvjete za direktora koji će, pored svojih poslova, obavljati i poslove i radne zadatke direktora, sve dok traje ta spriječenost; utvrđuje konačnu rang listu radnika koji su djelimično ili potpuno ostali bez radnih zadataka; na osnovu saglasnosti Ministarstva na prijedlog direktora donosi odluku o raspisivanju konkursa/oglasa za prijem pripravnika; vrši i druge poslove u skladu sa Zakonom i pravilima srednje škole.

### III

**Za predsjednika i člana školskog odbora škole kao javne ustanove može biti nominovan/imenovan kandidat koji ispunjava slijedeće uvjete:**

- a) da je stariji od 18 godina;
- b) da nije otpušten iz državne službe kao rezultat disciplinske mjere na bilo kojem nivou BiH (bilo na nivou države ili entiteta) u periodu od tri (3) godine od dana objavljivanja upražnjene pozicije;
- c) da se na tog kandidata ne odnosi član IX Ustava Bosne i Hercegovine i član 5. Zakona o ministarskim, vladinim i drugim imenovanjima u FBiH;
- d) da nije osuđivan za krivično djelo i privredni prijestup nespojiv sa dužnošću u školskom ili nadzornom odboru javne ustanove;
- e) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, br. 16/02, 14/03 i 12/04);
- f) da nije lice koje ima smetnje za imenovanje u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) i to:
  - da nije poslanik/zastupnik u Skupštini Kantona Sarajevo, vijećnik u Gradskom vijeću Grada Sarajeva i vijećnik u općinskom vijeću općine na teritoriji Kantona Sarajevo,
  - da nije direktor, izvršni direktor, pomoćnik direktora, agencije, fonda, javnog preduzeća i javne ustanove i institucije koji se imenuje ili postavlja na mandatni period i zamjenik direktora agencije, fonda, zavoda, javnog preduzeća, javne ustanove i druge institucije čiji je osnivač Kanton Sarajevo, Grad Sarajevo ili općina na teritoriji Kantona Sarajevo ili u kojima Kanton Sarajevo, Grad Sarajevo ili općina na teritoriji Kantona Sarajevo učestvuju sa više od 50% ukupnog kapitala,
  - da nije lice koje je izabrano ili imenovano ili je za njegov izbor ili imenovanje data saglasnost od strane Skupštine, Gradskog vijeća Grada Sarajeva, općinskog vijeća, Vlade, Gradonačelnika ili načelnika, izuzev državnog službenika i namještenik,
  - da nije vršilac dužnosti prethodno pobrojanih javnih funkcija i savjetnik prethodno pobrojanih nosioca javnih funkcija u Kantonu Sarajevo koji se imenuju po lex specialis propisima,
  - da ne obavlja niti jednu javnu funkciju kako je dato u tač. e) i f).

**Pored navedenih općih uvjeta, kandidat koji se nominuje/imenuje na poziciju predsjednika ili člana školskog odbora javne ustanove treba da ispunjava i slijedeće posebne uvjete:**

- a) **Za predsjednika - predstavnik Ministarstva (u školskom odboru škole kao javne ustanove koju je osnovala vjerska zajednica, odnosno crkva predsjednik je predstavnik osnivača) i člana - predstavnika Grada/općine:**
  - 1) da ima završen najmanje VII stepen stručne spreme ili prvi ciklus studija po bolonjskom procesu i najmanje pet godina radnog staža u struci,
  - 2) da nema privatni finansijski interes u javnoj ustanovi u čiji se školski odbor kandidira,
  - 3) da nije direktor, niti pomoćnik direktora osnovne ili srednje škole registrovane na području Kantona Sarajevo,
  - 4) da nije radnik škole u čiji se školski odbor kandidira,

- 5) da nije roditelj, niti staratelj učenika koji pohađa školu u čiji se školski odbor kandidira,
  - 6) da nije u bilo kakvoj rodbinskoj vezi do drugog stepena sa bilo kojim članom školskog odbora ili bilo kojim radnikom škole u čiji se školski odbor kandidira.
- b) Za člana školskog odbora – predstavnika radnika škole:**
- 1) da ima završen najmanje VII stepen stručne spreme ili prvi ciklus studija po bolonjskom procesu i najmanje pet godina radnog staža u struci,
  - 2) da nije direktor, niti pomoćnik direktora osnovne ili srednje škole registrovane na području Kantona Sarajevo,
  - 3) da nije roditelj, niti staratelj učenika koji pohađa školu u čiji se školski odbor kandidira,
  - 4) da ima status radnika u školi kao javnoj ustanovi u smislu važećih propisa o radu,
  - 5) da nije u bilo kakvoj rodbinskoj vezi do drugog stepena sa bilo kojim članom školskog odbora ili bilo kojim radnikom škole u čiji se školski odbor kandidira.
- c) Za člana školskog odbora - predstavnika roditelja/staratelja:**
- 1) da ima završen najmanje IV stepen stručne spreme i najmanje pet godina radnog staža u struci,
  - 2) da nije direktor, niti pomoćnik direktora osnovne ili srednje škole registrovane na području Kantona Sarajevo,
  - 3) da nije radnik škole u čiji se školski odbor kandidira,
  - 4) da ima status roditelja ili staratelja djece koji pohađa školu u čiji se školski odbor kandidira,
  - 5) da nije u bilo kakvoj rodbinskoj vezi do drugog stepena sa bilo kojim članom školskog odbora ili bilo kojim radnikom škole u čiji se školski odbor kandidira.

#### IV

Predsjednika i članove školskog odbora imenuje Vlada Kantona Sarajevo. Za Vladu Kantona Sarajevo, obavezujući su prijedlozi za imenovanje predstavnika roditelja/staratelja i radnika škole, koje u skladu sa važećim propisima izaberu nadležne strukture. Mandat predsjednika i članova školskih odbora, imenovanih po ovom Javnom konkursu, će trajati do isteka četverogodišnjeg mandata predsjednika i članova školskih odbora imenovanih od strane Vlade Kantona Sarajevo, po osnovnom Javnom konkursu.

#### V

**Prijavljivanje se vrši putem Prijavnog obrasca, koji se može preuzeti u šalter-sali Kantona Sarajevo (Ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo ([www.mo.ks.gov.ba](http://www.mo.ks.gov.ba)).**

**Na istim mjestima se može preuzeti obrazac Izjava o ispunjavanju uvjeta (dokaz tačke III) i Obrazac za pitanja o eventualnom postojanju sukoba interesa.**

**Prijavu sa cjelokupnom traženom dokumentacijom kandidat treba dostaviti lično ili poštom preporučeno, na adresu Ministarstva za odgoj i obrazovanje Kantona Sarajevo (ul. Reisa Džemaludina Čauševića br. 1 Sarajevo), sa naznakom «Prijava na javni konkurs za Školski odbor JU " \_\_\_\_\_ " - ne otvaraj – otvara Komisija».**

*(Upisati naziv ustanove)*

Kandidati su, uz potpisani Prijavni obrazac, dužni dostaviti slijedeću dokumentaciju:

1. kratku biografiju;
2. rodni list (original ili ovjerenu kopiju);
3. univerzitetsku diplomu o završenom najmanje VII stepenu stručne spreme ili prvom ciklusu studija po bolonjskom procesu (ovjerena kopija, format A4), odnosno diplomu o završenom najmanje IV stepenu stručne spreme za kandidata za člana školskog odbora – predstavnika roditelja/staratelja;
4. potvrdu/uvjerenje o radnom stažu potpisano i ovjereno od strane poslodavca ili uvjerenje Federalnog zavoda za mirovinsko i invalidsko osiguranje – Federalnog zavoda za penzijsko i invalidsko osiguranje o podacima registrovanim u matičnoj evidenciji osiguranika - najmanje pet godina radnog staža u struci;
5. potpisanu Izjavu o ispunjavanju uvjeta (dokaz tačke III) ovjerenu od strane nadležne općinske službe;
6. Obrazac za pitanja o eventualnom sukobu interesa.

Sve dokumente potrebno je priložiti u originalu ili fotokopiji ovjerenoj kod nadležne općinske službe. Dokumentacija dostavljena na Javni konkurs se ne vraća.

Komisija zadržava pravo da ostale dokaze u vezi sa dostavljenom dokumentacijom zatraži naknadno ili samostalno pribavi i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

**Konkurs će biti objavljen u dnevnom listu „Oslobođenje“ i „Službenim novinama Federacije Bosne i Hercegovine“. Konkurs ostaje otvoren petnaest (15) dana od dana posljednjeg javnog objavljivanja.**

Nepotupne, neuredne i neblagovremene prijave neće biti razmatrane.

Predsjednik i članovi školskog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

**Napomena: Tekst Javnog konkursa je dostupan i na web stranici: [www.mo.ks.gov.ba](http://www.mo.ks.gov.ba).**

Procedura obrade aplikacije i objedinjavanja prijedloga provest će se u skladu sa odredbama Pravilnika o izboru, nadležnostima i načinu rada školskih odbora srednjih škola Kantona Sarajevo. Svi kandidati koji ispunjavaju uvjete bit će pozvani na intervju pred Komisijom za izbor.

Podnosioci prijave sa kojima se ne stupi u kontakt u roku od 15 dana nakon roka za podnošenje, prijava neće biti uzeta u razmatranje u daljem procesu imenovanja.

Komisiju za izbor imenuje Vlada Kantona Sarajevo, posebnom odlukom.

**MINISTRICA**

**Naida Hota-Muminović, s.r**